

**TALAM DUA MUKA**  
**Chedet.cc**  
**19 September 2017**  
**Tun Dr Mahathir Mohamad**

1. Selama puluhan tahun Barat bersyarah dan mengkritik negara-negara membangun berkenaan korupsi di negara mereka.
2. Banyaklah laporan dibuat berkenaan betapa buruknya amalan rasuah oleh Kerajaan-Kerajaan dan pemimpin negara membangun. Kegagalan pembangunan negara-negara ini, kata Barat, disebabkan rasuah dalam seluruh jentera pentadbiran. Sudah tentu pemimpin tertinggi negara membangun semuanya perasuah.
3. Rupa-rupanya hidung tinggi mereka terhadap negara membangun menyembunyi sikap sebenar mereka terhadap rasuah. Penolakan rasuah oleh mereka terhad kepada nilai rasuah. Jika nilai cukup tinggi, prinsip penolakan rasuah terbang keluar tingkap.
4. Inilah yang sedang kita lihat sekarang.
5. Rasuah Najib diketahui di seluruh dunia. Demikian juga kecurian yang dilakukan olehnya. Walaupun di Malaysia akhbar dan TV tidak lapor apa-apa berkenaan jenayah yang dilakukan oleh Najib tetapi media sosial melapor dengan panjang lebar berkenaan Najib, Kerajaannya dan segala insiden rasuah dan salahguna kuasa olehnya.
6. Tetapi media Barat lebih lantang melapor berkenaan salah laku dan jenayah oleh Najib. Tidak ada yang disembunyi.
7. Dengan ini dunia tahu segala-galanya akan amalan rasuah oleh Najib.
8. Rakyat Malaysia percaya Kerajaan Barat yang begitu menentang perasuah-perasuah di dunia akan pulau Najib sekurang-kurangnya.
9. Amatlah mengecewa dan mengejutkan apabila dilihat jaguh-jaguh anti rasuah Barat sanggup menjemput Najib untuk melawat negara mereka dan mengadakan perbincangan dengannya.
10. Sebabnya ialah kerana Najib menawar untuk membeli pesawat komersial dan senjata mereka. Yang mengabur mata mereka ialah duit berbillion yang dikipas depan mata mereka.
11. Bahawa ini adalah sejenis rasuah tidak dipedulikan. Segala rasuah dan jenayah Najib diketepikan kerana wang tunai atau cash lebih utama dari kemuliaan maruah dan prinsip. Maka dilakukan apa sahaja yang disyaratkan oleh Najib asalkan duit didapati. Demikian jikalau Najib tidak suka press, maka press diketepikan. Di mana perginya kebebasan akhbar? Ke dalam tong sampah. Ke mana pergi kebebasan bersuara? Photo-opportunity untuk Najib tipu rakyat Malaysia dipersetujui kerana bayaran USD 20 billion duit orang miskin di Malaysia.
12. Jika orang Malaysia berharap Barat dengan hidung tingginya akan bertindak ke atas jenayah yang sebenarnya dilakukan di negara mereka, di bawah undang-undang mereka, harapan ini harapan kosong. Kata Mat Salleh "if the price is right, corruption is okay. It's not okay only if it is done by someone else".

13. Kita tak tahu apakah yang ditawarkan oleh Najib untuk dibeli dari Britain. Boleh jadi pesawat – pesawat pejuang Typhoon – mungkin satu atau dua squadron. Itu boleh jadi harga untuk photo opportunity di depan No. 10 Downing Street, London.

14. Jika Malaysia boleh, Britain juga boleh, iaitu boleh pejam mata. Bukankah Malaysia negara membangun bekas tanah jajahan Britain. Bukankah kepercayaan Britain ialah apabila Malaysia merdeka ia akan merosot dan hancur. Lihat, ramalan Britain tepat. Pemimpin-pemimpin Malaysia jelas perasuah dan pencuri. Jika tidak pada mulanya, itu satu keganjilan. Sekarang ia pemimpin Malaysia, setelah merdeka sudah tunjuk warna mereka sebenarnya (true colours).

15. Kata Trump dan May. Kami hanya melakukan perniagaan. Kalau Malaysia menjadi bankrap kerana membeli barangan yang tidak diperlukan, itu masalah Malaysia. Kami perlu utamakan kekayaan kami.

6 thoughts on "TALAM DUA MUKA"

1.



2. [Log in to Reply WandyCaswady](#) Sep 20, 2017 12:22 AM

Assalamualaikum dunia...

Arak yg haram... Apabila dicukaikan menjadi halal... Pendapat saya... Ganja yg dikenakan cukai... Mungkin boleh menjadi halal... Mungkin peniaga seperti pablo juga boleh bankrup kerana chemical tidak lagi laku... Saya yakin... Amsterdam mungkin negara pengganas... Mungkin....

Dunia... Dunia...

What matter is not what u said... But what you do... Towards other in the community... Kubur itu kan masing2... Kita juga mengadap Tuhan yang Maha Esa berseorangan...

Persoalan sekarang ini adalah... Benar2 yakin kah umat islam ini akan kewujudan NYA? Apa buktinya? Cuma Al Quran sahaja bukti yg kukuh... Wassalamm

3.



4. [Log in to Reply rimba.emas](#) Sep 20, 2017 12:14 AM

Salam Tun.

1. Buat masa sekarang kita rakyat terpaksa menghadapi seorang PM yang ramai penyokongnya. Walau pun ada bukti kesalahan yang telah di lakukannya.

2. Selagi seorang PM itu tiada tentangan dari orang dalam , selama itulah dia akan selesa dengan jawatannya kerana tiada yang berani bertindak atau mendakwanya.

3. Contoh-contoh di cerita dalam al-quran bahawa ada tentangan kepada pemimpin – pemimpin yang zalim ada yang mengambil masa yang cukup lama.

4. Semua bergantung kepada lahirnya pejuang-pejuang yang berani berlawan serta mendapat sokongan dari rakyat ramai.
5. Walau pun patah tumbuh hilang berganti tetapi tidak semua berjaya melakukannya.
6. Perjuangan Rasullullah s. a. w sendiri mengambil masa yang lama sehingga adanya jihat kematian berlawan golongan jahat barulah dapat menaklukinya.
7. Telah di usaha berbagai cara tetapi tidak berhasil.
8. Kini tinggal cara mengundi yang pastinya daya usaha rakyat ramai untuk menukar pemimpin yang ada sekarang.
9. Cara dunia membanteras rasuah menjadi tidak berkesan bila pihak berkuasa itu sendiri ada ikatan dengan pemimpin yang menjadi kuasa pemilih tenaga kerjanya.
10. Satu kerugian kepada umat tersebut bilamana terpaksa menghadapi penguasa yang tidak amanah kepada manusia.
11. Tiada daya atau kuasa untuk menukar kerajaan yang korup akan merugikan masa ketika hidup di dunia ini.
12. Hilang pejuang yang berani kerana Allah akan menyebabkan rakyat terpaksa menunggu hingga ke akhir hayat untuk mendapat kebenaran.
13. Hukuman dari tuhan tidak akan mengecewakan lagi kita rakyat yang sanggup bertahan dari melakukan perkara mungkar ketika di dunia.
14. Kita di beri syurga dan neraka. Pahala dan dosa. Maka patuhlah kita rakyat akan perintah Tuhan yang di sembah. Itulah jalan menuju kejayaan.

Wallahua'lam.

5.



6. [Log in to Reply](#) **Megatpanjialam** [Sep 19,2017 10:32 PM](#)

Mat Tyson dijangka membawa masuk ramai ahli PH ke dalam UMNO.. Benarkah ini..


7.



8. [Log in to Reply](#) **Aisyah** [Sep 19,2017 10:01 PM](#)

'Pivot to Asia' kata si Obama. Inilah kut hasilnya.

9.

10.  [Log in to Reply](#) **tebing tinggi** [Sep 19,2017 9:00 PM](#)

Rasuah ditutup dengan rasuah .

11.

12.  [Log in to Reply](#) **Chu mat** [Sep 19,2017 8:27 PM](#)

Assalamualaikum,

Tunku Abdul Rahmam Putra Al Haj  
–BAPA KEMERDEKAAN MALAYSIA

TUN ABDUL RAZAK  
–BAPA PEMBANGUNAN

TUN HUSSEIN ONN  
–BAPA PERPADUAN

TUN MAHATHIR MOHAMMAD  
–BAPA PERMODENAN MALAYSIA

TUN NAJIB  
–BAPA BANTUAN TUNAI MALAYSIA

© 2017 Chedet – All Rights Reserved.

Source: <http://chedet.cc/?p=2614>